

آخ قلبي. وعقارب الوقت تمشي كأنو ما صار شي. تصوّررتني مثل ورقا بغايي كبير واصفرت،  
رح توقع، والغايي تكمل.

[...]

ودقّ التلفون، من الحكي عرفت إنو نهاد عَ الخط، عم تسأل كيفنا.  
- سألنا مين الحكيم اللي حكّملا قلب بيّا.  
بسّ نجاه ما بدأ تشغلا بالا. عندا خمس ولاد بالكاد تلحق علين، خدي منّا رقم التلفون، ونحن منتصل  
بالحكيم.

بسّ نهاد ما قبلت إلا تعرف شو في؟ ومن هون لَهون قائلنا نجاه، موريس صرلو شي بقلبو.  
ما مرقّ دقيقتين تلاتي، ودقّ التلفون تاني مرّا. نهاد عَ الخط.  
- "الحكيم عَ طريق جل الديب. حكيت معو بالسّلولير. عشر دقايق منكون عندكُن ببصاليم".  
الحكيم من وصلّو، فتح آلة التخطيط البورتاتيف وخطّطي قلبي، وعاد أخذلي ضغطي.  
- شو القصّ يا حكيم؟  
عجلو خدوه عَ المستشفى. صرلو دبجا قلبيي.  
ما لحق الصليب الأحمر وصل عَ بصاليم وسأل عن بيت موريس عوّاد، كان البيت نتلا ناس شي  
تَ يشوفو شو صار، شي تَ يحطّو إيذن، وفين تَ يعطو رايات، كأنو "كريستيان برنار" من تلاميذن.  
وإجو بدن يربطوني عَ المحمل.  
- لاء بروج عَ السيارة مَشي  
لاء، لاء، قالو رسل الصليب الأحمر، بتنام عَ المحمل ونحن منحملك.  
- اتركوني فيي إمشي.  
- مستحيل. لو فيك تمشي ما كنا جينا.  
وبالآخر، الحكيم والصليب الأحمر حطّولي براسي: إذا ناوي توصل عَ المستشفى طيب، بدك  
تنام عَ المحمل.  
ولمن شفت إنو موريس عوّاد مش ناوي يلك. قلت لموريس خوري - إسمي بالتركرا - نام،  
وربطوه عَ المحمل.

....

عَ الطريـق صِرتَ إسمـع حَكي من بعيد جايي من ورا العتم.

- شو في؟

- موريس عواد.

- مات؟

- ما بعرف، بس هالعجفا مش بلا شي.

المَحمل، يمشي فيي، الناس يكترو. والحكي يتشربك:

فيين فكرو صار في مشكل ضيعتلي، وفيين يفكرو انو حدا مات.

- شو في هالناس مجمّعين هونيك؟

- الصليب الأحمر إجا لعند موريس عواد.

واللي إمرق من حدن، وكانو عرفو شو صار، يحكو معي.

- سلامتک.

- سلامة قلبک.

- ما بتستاهل.

وبعدو الحكي عم يجي من بعيد. شو في هونيك؟

- موريس عواد...

- مات!!!

- عم يقولو صرلو دبحا قلبيي.

(...)

شِفْتِلُنْ ضهرُنْ وجِسْمُنْ مَسْلوخين عَ الكرايج. وُجُنْ مَفَجَّم. عينين حمراع يد معو آخ وعتم،

ضربوون عَ صاييع إيدين وإجرين بالمسطرا المرؤسي، عَ كواحلن، عَ كواعن، عَ دينين. علقوون

بالسقف متل الخواريف ...

جلدوون كلّ يوم. وشِفْتِلُنْ كعاب إجرين: أكثر من وارمين وزرق. كعاب إجرين الرح يضلّو أعلا

من النجوم والسيوف عَ كتاف "القايد" اللي عطا أمر بجلدن، أو سكت. وأعلا من وجّ المعترّ اللي

جلدن، وأعلا من اللي خايف عَ نظامو، عم يخوف الناس، واللي ما بيخاف وبيوطي راسو، يبيعتلو

المرسناريا تبعو، يسحبوه بالليل، ويجروه عَ القاوش.

مبلا، مَرَبَط ومطمّش برِقعاً أكثر من موصّخا، بتشبهُن. تارك بالبيت ولاد، أمّ، إخت، خطيبي،  
دموع، وليل طويل.  
مبلا، جلدوون متل العم يقتل الحبيّ. وبعدا، ورح تضلّ طراطيش دُمن ملزقا ع حيطان القواویش  
من جسر الباشا لوزارة الدفاع، لضمير التاريخ.  
زئبن إنن صرخو بوجّ كم مجرم حرب، وعاهر، لابسين توب العفّي، وملقطين بكراسي الحكم  
متل مّات أربعا وأربعين.

Vous etes des laches et des menteurs. Vous mentez toujours, toujours de  
naissance et par vocation.

زئبن إنن قالو هام الحقيقا اللّي مباح صلّبت، بري الأبريا، ورح تضلّ تجلد وتعرّب وتصلّب، ت  
تنصّف الأرض من الخوف والكبريا.